



ՀՀ ՆԳՆ
միգրացիայի և
քաղաքացիության
ծառայություն

Հաճախ տրվող հարցեր

Հայաստանի Հանրապետությունում (ՀՀ)
փախստականի կարգավիճակ ունեցող անձանց՝
ՀՀ քաղաքացիություն ստանալու գործընթացի
վերաբերյալ

Արդյո՞ք ՀՀ-ում փախստականի կարգավիճակ ունեցող անձն իրավունք ունի դիմելու ՀՀ քաղաքացիություն ստանալու համար:

Հայաստանի Հանրապետությունում փախստական ճանաչված անձը, ով առնվազն 18 տարեկան է, իրավունք ունի դիմելու Հայաստանի Հանրապետության քաղաքացիություն ստանալու համար, եթե ծանոթ է ՀՀ Սահմանադրությանը



Ո՞ր պետք է դիմի անձը:

ՀՀ քաղաքացիություն ստանալու համար դիմումը և սահմանված փաստաթղթերը ներկայացվում են¹

1. Հայաստանի Հանրապետությունում՝ Ներքին գործերի նախարարության (ՆԳՆ) Միգրացիայի և քաղաքացիության ծառայություն.
2. արտերկրում՝ Հայաստանի Հանրապետության դեսպանություն կամ հյուպատոսական հիմնարկ:

¹ Հայաստանի Հանրապետության Սահմանադրության իմացության պահանջը չի կիրառվում ազգությամբ հայ դիմումատուների նկատմամբ:

Ինչ՞ փաստաթղթեր պետք է ներկայացվեն:

Հայաստանի Հանրապետությունում փախստական ճանաչված անձը Հայաստանի քաղաքացիություն ստանալու համար պետք է ներկայացնի՝



1. Դիմումի ձևը լրացվում է հայերեն: Այն լրացնելու հարցում աջակցություն կարող եք խնդրել Միգրացիայի և քաղաքացիության ծառայությունից, ինչպես նաև կարող եք դիմել իրավաբանական օգնության:

2. 35 x 45 մմ չափի 6 լուսանկար (գունավոր),
3. Ծննդյան վկայականը և դրա պատճենը,
4. Փախստականի կոնվենցիոն ճամփորդական փաստաթուղթ,
5. Պետական տուրքի վճարումը հավաստող փաստաթուղթ (1000 ՀՀ դրամ):
Եթե առկա է ամուսնություն, և դիմողը կրում է ամուսնու ազգանունը, ապա անհրաժեշտ է ներկայացնել նաև՝
6. Ամուսնության վկայականը և դրա պատճենը,
7. Ամուսնու անձնագրի պատճենը և հայերեն թարգմանությունը:

Ի՞նչ լեզվով պետք է ներկայացվեն փաստաթղթերը:

Փաստաթղթերը պետք է լինեն հայերեն: Պահանջվող փաստաթղթերը օտար լեզվով լինելու դեպքում դիմողը պետք է ներկայացնի նաև նոտարի կողմից վավերացված հայերեն թարգմանությունները:

Որքա՞ն ժամանակ է պահանջվում դիմումը քննարկելու համար:

Հայաստանի Հանրապետության քաղաքացիության համար դիմումները քննարկվում են ՀՀ ՆԳՆ Միգրացիայի և քաղաքացիության ծառայություն ներկայացնելու օրվանից 90 (իննսուն) աշխատանքային օրվա ընթացքում:

Ինչպե՞ս է ստուգվում ՀՀ Սահմանադրության իմացությունը:

ՀՀ Սահմանադրության իմացությունը ստուգվում է թեստավորման միջոցով:



Բաղկացած է 33 հարցից: Թեստի յուրաքանչյուր հարց ունի երեք ենթադրյալ պատասխան, որոնցից միայն մեկն է միանշանակ ճիշտը:

Հայաստանի Հանրապետության քաղաքացիություն ստանալու համար թեստը դիմողին տրամադրում է ՀՀ ՆԳՆ Միգրացիայի և քաղաքացիության ծառայությունը: Եթե դիմողը հայերեն չի կարդում, թեստը լրացնելու ժամանակ նա կարող է օգտվել իր ներկայացուցչի աջակցությունից:

Թեստը լրացվում է տեղում, որի համար տրամադրվում է մեկ ժամ ժամանակ:

Հայաստանի Հանրապետության Սահմանադրությանը ծանոթ է համարվում այն անձը, ով ճիշտ է պատասխանել թեստի հարցերի կեսից ավելիին:

Թեստի հարցերի կեսից ավելիին ճիշտ չպատասխանելու դեպքում տվյալ անձը կարող է հաջորդ օրը կամ, տվյալ անձի ցանկությամբ, ցանկացած այլ աշխատանքային օր կրկին լրացնել թեստը: Հայաստանի Հանրապետության քաղաքացիություն ստանալու համար դիմած անձը կարող է այնքան անգամ լրացնել թեստը՝ մինչև ճիշտ պատասխանի թեստի կեսից ավելի հարցերին:

Ե՞րբ է մերժվում ՀՀ քաղաքացիություն ստանալու դիմումը:

Հայաստանի Հանրապետության քաղաքացիություն ստանալու դիմումը մերժվում է, եթե տվյալ անձն իր գործունեությամբ վնասում է, կամ առկա է հիմնավոր կասկած, որ կարող է վնասել պետական և հասարակական անվտանգությունը, հասարակական կարգը, հանրության առողջությունը և բարքերը, այլոց իրավունքներն ու ազատությունները, պատիվը և բարի համբավը: Հայաստանի Հանրապետության քաղաքացիություն ստանալու դիմումի մերժումը կարող է չհիմնավորվել:

Քաղաքացիություն շնորհելու մերժումը կարող է բողոքարկվել Հայաստանի Հանրապետության վարչական դատարան՝ մերժման մասին ծանուցվելուց հետո երկամսյա ժամկետում:

Ինչպե՞ս է փախստական ճանաչված երեխան ձեռք բերում ՀՀ քաղաքացիություն:

Այն երեխաների դեպքում, որոնք ծնվել են նախքան ծնողի կողմից ՀՀ քաղաքացիություն ստանալը.

Հայաստանի Հանրապետության քաղաքացիություն ձեռք բերած ծնողների երեխան ձեռք է բերում Հայաստանի Հանրապետության քաղաքացիություն:

Եթե Հայաստանի Հանրապետության քաղաքացիություն է ձեռք բերում ծնողներից մեկը, իսկ մյուսն օտարերկրյա քաղաքացի է կամ քաղաքացիություն չունեցող անձ, ապա նրանց երեխան ձեռք է բերում Հայաստանի Հանրապետության քաղաքացիություն՝

- 1) եթե առկա է ծնողների գրավոր համաձայնությունը, կամ
- 2) եթե երեխան բնակվում է Հայաստանի Հանրապետությունում, և առկա է ծնողներից մեկի համաձայնությունը, կամ
- 3) եթե ծնողների (ծնողի) համաձայնության բացակայության դեպքում Հայաստանի Հանրապետության քաղաքացիություն ձեռք չբերելու դեպքում երեխան դառնում է քաղաքացիություն չունեցող անձ:

Հայաստանի Հանրապետության քաղաքացիություն ձեռք բերած օտարերկրյա քաղաքացիների երեխան, անկախ այլ պետության քաղաքացիություն ունենալու հանգամանքից, ձեռք է բերում Հայաստանի Հանրապետության քաղաքացիություն՝ Հայաստանի Հանրապետության օրենսդրությամբ սահմանված կարգով՝ Հայաստանի Հանրապետության քաղաքացու անձնա-

գիր ստանալու համար ներկայացված դիմումի հիման վրա:

Այն երեխաների դեպքում, որոնք ծնվել են ծնողի կողմից ՀՀ քաղաքացիություն ստանալուց հետո.

Երեխան, ում ծնողները նրա ծնվելու պահին Հայաստանի Հանրապետության քաղաքացիներ են եղել, անկախ ծնվելու վայրից, ձեռք է բերում Հայաստանի Հանրապետության քաղաքացիություն:

Երեխան, ում ծնողներից մեկը նրա ծնվելու պահին եղել է Հայաստանի Հանրապետության քաղաքացի, իսկ մյուսն անհայտ է կամ՝ քաղաքացիություն չունեցող անձ, ձեռք է բերում Հայաստանի Հանրապետության քաղաքացիություն:

Այն դեպքում, երբ ծնողներից մեկը երեխայի ծնվելու պահին եղել է Հայաստանի Հանրապետության քաղաքացի, իսկ մյուսը՝ օտարերկրյա քաղաքացի, երեխան, անկախ այլ պետության քաղաքացիություն ունենալու հանգամանքից, իրավունք ունի ձեռք բերելու Հայաստանի Հանրապետության քաղաքացիություն՝ ծնողների գրավոր համաձայնությամբ:

Համաձայնության բացակայության դեպքում երեխան ձեռք է բերում Հայաստանի Հանրապետության քաղաքացիություն՝


- 1) եթե նա ծնվել է Հայաստանի Հանրապետությունում, կամ
- 2) եթե Հայաստանի Հանրապետության քաղաքացիություն ձեռք չբերելու դեպքում դառնում է քաղաքացիություն չունեցող անձ, կամ

- 3) եթե բնակվում է Հայաստանի Հանրապետությունում, և առկա է ծնողներից մեկի համաձայնությունը:

Ինչպե՞ս կարող է երեխան, որի ծնողները հայտնի չեն, Հայաստանի քաղաքացիություն ձեռք բերել:

Հայաստանի Հանրապետությունում գտնվող երեխան, որի ծնողներն անհայտ են, Հայաստանի Հանրապետության քաղաքացի է: Ծնողներից մեկի կամ խնամակալի գտնվելու դեպքում երեխայի քաղաքացիությունը կարող է փոխվել օրենքին համապատասխան:

Ներքին գործերի նախարարության Միգրացիայի և քաղաքացիության ծառայություն


 Հայաստան, ք. Երևան, Դավթաշեն, 4-րդ թաղամաս, 17/10 շենք

 +374 10 590 738

 mcs@gov.am

 <https://migration.am/>

Դիմե՛ք ՀՀ փաստաբանների պալատ՝ իրավաբանական օգնության համար, այդ թվում՝ Հայաստանի Հանրապետության քաղաքացիություն ձեռք բերելու համար դիմումը լրացնելու հարցում:

 Հայաստան, Երևան 0010, Զաքյան 7-2, 2-րդ հարկ

 +374 10 600 714, +374 33 600 714

 pashtpan@advocates.am

 www.hpg.am

Հարց 1. Հայաստանի Հանրապետությունում իշխանությունը պատկանում է՝

- 1) կուսակցություններին
- 2) ժողովրդին
- 3) ՀՀ կառավարությանը

Հարց 2. Ինչպիսի՞ պետություն է Հայաստանի Հանրապետությունը՝

- 1) ժողովրդավարական.
- 2) խմբավարական
- 3) միապետական

Հարց 3. Հայաստանի Հանրապետությունում ո՞րն է համարվում օրենսդիր մարմին՝

- 1) դատարանները
- 2) ՀՀ Ազգային ժողովը
- 3) կուսակցությունները

Հարց 4. Հայաստանի Հանրապետության պետական լեզուն՝

- 1) անգլերենն է
- 2) հայերենն է
- 3) ռուսերենն է

Հարց 5. Հայաստանի Հանրապետության դրոշը եռագույն է՝

- 1) կարմիր, կապույտ, սպիտակ գույներով
- 2) կարմիր, կանաչ, սպիտակ գույներով
- 3) կարմիր, կապույտ, նարնջագույն գույներով

Հարց 6. Հայաստանի Հանրապետության մայրաքաղաքը՝

- 1) Գյումրին է
- 2) Երևանն է
- 3) Էրեբունին է

Հարց 7. Ո՞վ է նշանակում նախարարին՝

- 1) կուսակցությունները
- 2) Հանրապետության նախագահը
- 3) ՀՀ արդարադատության նախարարը

Հարց 8. Բոլորը հավասար են՝

- 1) միմյանց առջև
- 2) օրենքի առջև
- 3) միայն դատարանի առջև

Հարց 9. Մարդը պարտավոր չէ ցուցմունք տալ՝

- 1) հանցանք կատարած անձի դեմ
- 2) իր ընկերների դեմ
- 3) իր, ամուսնու կամ մերձավոր ազգականների վերաբերյալ

Հարց 10. Նշվածներից ո՞վ կարող է ընտրվել Հանրապետության նախագահ՝

- 1) քառասուն տարին լրացած, վերջին վեց տարում միայն Հայաստանի Հանրապետության քաղաքացի հանդիսացող, վերջին վեց տարում Հայաստանի Հանրապետությունում մշտապես բնակվող, ընտրական իրավունք ունեցող և հայերենին տիրապետող յուրաքանչյուր ոք
- 2) քսանհինգ տարին լրացած, Հայաստանի Հանրապետությունում մշտապես բնակվող, ընտրական իրավունք ունեցող և հայերենին տիրապետող յուրաքանչյուր ոք՝ անկախ քաղաքացիությունից
- 3) քառասուն տարին լրացած, վերջին չորս տարում միայն Հայաստանի Հանրապետության քաղաքացի հանդիսացող, վերջին չորս տարում Հայաստանի Հանրապետությունում մշտապես բնակվող, ընտրական իրավունք ունեցող և հայերենին տիրապետող յուրաքանչյուր ոք

Հարց 11. Նշվածներից ո՞վ կարող է ընտրվել պատգամավոր՝

- 1) քսանհինգ տարին լրացած, Հայաստանի Հանրապետությունում մշտապես բնակվող, ընտրական իրավունք ունեցող և հայերենին տիրապետող յուրաքանչյուր ոք՝ անկախ քաղաքացիությունից
- 2) քսանհինգ տարին լրացած, վերջին չորս տարում միայն Հայաստանի Հանրապետության քաղաքացի հանդիսացող, վերջին չորս տարում Հայաստանի Հանրապետությունում մշտապես բնակվող, ընտրական իրավունք ունեցող և հայերենին տիրապետող յուրաքանչյուր ոք
- 3) քսանհինգ տարին լրացած, վերջին երկու տարում միայն Հայաստանի Հանրապետության քաղաքացի հանդիսացող, վերջին երկու տարում Հայաստանի Հանրապետությունում մշտապես բնակվող, ընտրական իրավունք ունեցող և հայերենին տիրապետող յուրաքանչյուր ոք

Հարց 12. Քանի՞ տարի ժամկետով է ընտրվում ՀՀ Ազգային ժողովը՝

- 1) հինգ տարի ժամկետով
- 2) ցմահ
- 3) ութ տարի ժամկետով

Հարց 13. Նշվածներից որո՞նք են համարվում Հայաստանի Հանրապետության վարչատարածքային միավորներ՝

- 1) շրջանները և գավառները
- 2) շրջանները
- 3) մարզերը և համայնքները

Հարց 14. Ո՞վ է իրականացնում Հայաստանի Հանրապետությունում ներքին քաղաքականությունը՝

- 1) ՀՀ կառավարությունը
- 2) ժողովուրդը
- 3) դատարանը

Հարց 15. Ո՞վ է ընդունում պատերազմ հայտարարելու և խաղաղություն հաստատելու մասին որոշումը՝

- 1) ՀՀ Ազգային ժողովը՝ պատգամավորների առաջարկությամբ
- 2) ՀՀ վարչապետը՝ ՀՀ Ազգային ժողովի առաջարկությամբ
- 3) ՀՀ Ազգային ժողովը՝ ՀՀ կառավարության առաջարկությամբ

Հարց 16. Նշվածներից ո՞վ ունի անձնական ազատության իրավունք՝

- 1) միայն ՀՀ քաղաքացին
- 2) յուրաքանչյուր ոք
- 3) ոչ ոք

Հարց 17. Նշվածներից ո՞վ ունի նամակագրության գաղտնիության իրավունք՝

- 1) միայն ՀՀ քաղաքացին
- 2) յուրաքանչյուր ոք
- 3) ոչ ոք

Հարց 18. Նշվածներից ո՞վ ունի կրթության իրավունք՝

- 1) յուրաքանչյուր ոք
- 2) միայն ՀՀ քաղաքացին
- 3) միայն լավ սովորողը

Հարց 19. Նշվածներից ո՞վ ունի Հայաստանի Հանրապետությունից դուրս գալու իրավունք՝

- 1) յուրաքանչյուր ոք
- 2) միայն ՀՀ քաղաքացին
- 3) ոչ ոք

Հարց 20. Նշվածներից ո՞վ ունի իրավաբանական օգնություն ստանալու իրավունք՝

- 1) միայն ՀՀ քաղաքացին
- 2) յուրաքանչյուր ոք
- 3) ոչ ոք

Հարց 21. ՀՀ Ազգային ժողովի ընտրությանը և հանրաքվեին մասնակցելու իրավունք ունեն՝

- 1) յուրաքանչյուր ոք
- 2) ընտրության կամ հանրաքվեի օրը տասնութ տարին լրացած օտարերկրացիները
- 3) ընտրության կամ հանրաքվեի օրը տասնութ տարին լրացած ՀՀ քաղաքացիները

Հարց 22. Նշվածներից ո՞վ ունի մասնավոր և ընտանեկան կյանքի անձեռնմխելիության իրավունք

- 1) միայն ՀՀ քաղաքացին
- 2) յուրաքանչյուր ոք
- 3) ոչ ոք

Հարց 23. Նշվածներից ո՞վ ունի բնակարանի անձեռնմխելիության իրավունք՝

- 1) միայն ՀՀ քաղաքացին
- 2) յուրաքանչյուր ոք
- 3) ոչ ոք

Հարց 24. Նշվածներից ո՞վ ունի մտքի ազատության իրավունք՝

- 1) միայն ՀՀ քաղաքացին
- 2) յուրաքանչյուր ոք
- 3) ոչ ոք

Հարց 25. Մտավոր սեփականությունը պաշտպանվում է՝

- 1) ազգային անվտանգության մարմնի որոշմամբ
- 2) օրենքով
- 3) կուսակցությունների որոշումներով

Հարց 26. Նշվածներից ո՞վ է պարտավոր օրենքով սահմանված կարգով մասնակցել ՀՀ պաշտպանությանը՝

- 1) ՀՀ քաղաքացին
- 2) յուրաքանչյուր ոք
- 3) ոչ ոք

Հարց 27. ՀՀ կառավարությունը կազմված է՝

- 1) ՀՀ վարչապետից, ՀՀ փոխվարչապետներից և ՀՀ նախարարներից
- 2) ՀՀ վարչապետից, ՀՀ նախարարներից
- 3) ՀՀ վարչապետից և ՀՀ մարզպետներից

Հարց 28. Ի՞նչ կարգով են Հայաստանի Հանրապետության քաղաքացիություն ձեռք բերում ազգությամբ հայերը՝

- 1) պարզեցված
- 2) ընդհանուր
- 3) առանց որևէ կարգի

Հարց 29. Ո՞վ է հրավիրում և վարում ՀՀ կառավարության նիստերը՝

- 1) ՀՀ Ազգային ժողովի նախագահը
- 2) ՀՀ վճռաբեկ դատարանի նախագահը
- 3) ՀՀ վարչապետը

Հարց 30. Հայաստանի Հանրապետության Սահմանադրությունն ընդունվում է՝

- 1) ՀՀ կառավարության կողմից
- 2) ՀՀ սահմանադրական դատարանի կողմից
- 3) հանրաքվեի միջոցով

Հարց 31. Ո՞ւմ կողմից է ընտրվում Հանրապետության նախագահը՝

- 1) ժողովրդի
- 2) ՀՀ Ազգային ժողովի
- 3) ՀՀ կառավարության

Հարց 32. Ո՞վ իրավունք ունի առաջադրելու Հանրապետության նախագահի թեկնածու՝

- 1) պատգամավորների ընդհանուր թվի առնվազն մեկ քառորդը
- 2) ՀՀ վարչապետը
- 3) ՀՀ Ազգային ժողովի նախագահը

Հարց 33. Ո՞վ է ընտրում վարչապետին՝

- 1) ժողովուրդը
- 2) ՀՀ մարզպետները և ՀՀ նախարարները
- 3) ՀՀ Ազգային ժողովը

Թեստը հանձնեց	(ստորագրությունը)		(անունը, ազգանունը)
Թեստը ընդունեց	(ստորագրությունը)	(պաշտոնը)	(անունը, ազգանունը)
			_____ 20____ թ.